

順義縣志

湯銘鼎書

財政部印刷局印

中華民國四年五月重印

順義縣志序

順義去京師百里而近前三十年余以事詣京適同縣賴子誼令於是余問何以爲治賴乃曰一邑耳而旗民雜處間以皇莊且蹕路往來差繇繁重令如婦人而有三夫胡治家爲君世家通才顧所見乃如此耶語畢吃吃然笑余訝其鄙率深以爲恨及余入仕途歷中外文武者且三十年始知賴君語非誣又深以爲歎近來政體改革凡賴君所患者已悉除之而吾鄉湯嘯秋適又令於是聞其治縣頗勤懇於新舊之政如興教育振農業徵文獻謹訟獄審土宜詰奸暴訪時髦而咨之求志乘而考索之余益重其爲人以爲日起有功卽如賴君所言三患並存亦必有成績之可觀蓋

順義縣志卷一

序

一

財政部印刷局印

艱鉅並投而幹才愈可見理固然也無何嘯秋以謁京尹來手縣志示余則清康熙間前知縣蜀人黃成章之所剏也余維秦廢封建設郡縣古一國之史乃變而爲一縣之志志之善者無過於華陽國志宋咸淳乾道臨安兩志今黃君所作雖文章體例未逮三書而於張堪之墾田高閭之遺文禹鈞之善行康節之樂道暨修前代之故蹟省民間之繇役咸再三致意縷縷以詔後人其功有不可沒者顧其書久湮嘯秋苦搜力索始得鈔鏤者各一部慨然深念以爲此吾鄉先輩之苦心其諄諄所期許者將率邑之賢士大夫共勉之會今

相國徐公徵求文獻嘯秋乃擬付鉛印進之政事堂京兆尹布之

僚友紳耆此誠修舉廢墜之要而賢有司之克舉其職卽此可以知之矣民國四年歲在乙卯望日成都岳嗣儀序

順義縣志卷一

序

二

財政部印刷局印

重印康熙順義縣志緣起

民國紀元之三年

銘鼎

承乏順義縣事下車訪民間疾苦略得所

爲當興當廢者而於其繇來或貿焉則亟索縣志證之顧無有諷諸邑士夫亦云未見惟傳聞前清康熙間蜀人黃君令茲邑嘗修之今二百餘年矣無議及此者蓋近畿最爾邑供億煩勞簿書鞅掌文獻若非所急則夫代遠年湮此事遂廢也亦固其所久之乃聞南鄉周壽頤家有黃君志五卷從借讀之頗以篇目脫落字跡漫漶爲患然於建置沿革之迹錢糧稅課之制風俗物產之遺其犖犖大者未嘗不可考見其二三而因以物罕見珍護惜綦至若不欲人久假不歸者銘鼎病焉又久之更從海洪村人茹棻借得

順義縣志卷一

序

一

財政部印刷局印

此志抄本卷帙一與周同而字句較清朗以校讐周本雖亥豕魯魚猶所不免而彼此互證得所折衷者常多惟輿圖則拙劣特甚兩本皆模糊不足据因擬公餘之暇少加訂正別更測繪並付剞劂以存茲邑文獻什一於千百人事卒卒未有以發也會

相國東海公有直隸儒林文苑傳之編輯函囑

京兆尹沈公檄下屬縣各搜求其邦人士之私家撰述及府縣志所登並以志上順義素乏舊家名著孤本佚編足塞

相國意獨此志幸存議影寫一部以籍手報邑士聞之欲遂廣其傳用備掌故請以聚珍法重印若干部爲分布計仍籌費若干以供銘鼎重違其意爲言於

京兆尹得許可非徒應

相國之求亦謂文獻所關及時保存固守土者事也印既成爲識其顛末如此至搜輯之勤校訂之勞則署員陳延禮范鍾琪李崇勳王道興管獄員趙思忠邑人沈繼先諸君與有力焉例得附書時在民國四年五月巴縣湯銘鼎識

亦非淺何者一統志總大綱郡邑志詳細目一統志藏內府
備觀覽郡邑志屬守令驗施行也是故觀天文之星曜躔度
可以知水旱災祥而祈禱必應觀地理之高下險易可以識
戰守蓄洩而兵農咸宜觀名賢之流芳百世可以正己率下
禮陶樂淑而風俗進於淳古觀物產之名利一方可以教時
勸植有無貿遷而財求遍有餘饒官斯土者可視爲故紙而
不加意乎今

聖天子德教廣被萬國來同一統志久矣燦然具備而郡邑志容
或有缺余奉

命特授京兆歷今五載餘矣嘗訪察二十六屬其間有無志者

有僅志大略者有志古而未補今者如所屬順義舊無志康
熙十三年韓令所輯不過存什一於千百而晉熙黃子以經
濟才初令茲土居

翠輦時臨之地勉力於辦差之餘直以表彰前賢昭示來學爲
己任於是補輯邑志苦心搜求書成請序於余余從退食時
閱之一展卷而古今之忠孝節義山水形勢嘉祥災異瞭若
指掌凡前賢功臣久臥之碑更爲之樹立建衙署以培縣治
重學校以新宮牆舉鄉飲以明禮讓革火耗以阜民財化匿
怨之兇徒結數十年難結之案件埋露處之枯骨安數十年
未安之魂魄尤必廣施格言勸數千家和睦而息訟請借積

粟諭數千家節用而遂生其治行之卓卓載諸邑志而得諸見聞者眞足信今而傳後易曰修詞立其誠蓋由其胸中有物皆見諸寔事而施行之夫豈徒託諸空言已哉則此編也卽以當周禮春官之內外史而異日獻諸

朝廷續入一統志中與古陳詩并傳不朽誰曰不可因題數語俾勒諸簡端皆

康熙六十一年歲在壬寅仲春穀旦

賜進士出身通奉大夫順天府府尹加一級壽春俞化鵬撰此

序脫首篇姑闕文

重修順義縣志序

順義禹貢冀州之域舊屬燕地邑置自秦漢爲漁陽郡迄今始置州台懷密爲一明改爲縣直隸

神京今爲

聖天子巡幸塞外要道視他邑爲加謹邑雖褊小而山川形勢之傑出鄉賢節義之挺生與夫風俗土產之淳謹而精良載之志乘以信今而傳後謂非賢有司之責歟余嘗考富鄭公曰君子爲小人所勝不過祿位耳惟有三四寸竹管子向口角頭褒善貶惡使善者貴惡者賤須是由我不可更有畏懼也又宋太宗謂蘇易簡曰史才甚難在乎善惡必書務撫實而去憎愛斯爲良史矣顧邑之有志猶國之有史雖志於人物

惟取其有美而無惡稍與史異然非虛公採擇務撫實而去愛憎兼具三長者未可以信今而傳後也邑大夫子達黃君蜀之綿竹人也康熙丙申之歲由名孝廉來宰茲邑雖當

鑾輿往來鞅掌王事而又屯莊遍置旗民雜處理煩治劇刻無寧晷乃自下車後以儒術而施經濟政修人和百廢具舉因念舊志始於康熙甲寅邑令韓君淑文纂修得有成書而邑中人物藝文闕焉未備謀所以補輯之請之大府報可爰與同里績學之士來遊署中者相與搜考舊聞博求故實不遺餘力不三月而告竣蔚然成一邑大觀矣黃君與余爲同年友志成問序於余余觀今之爲令者日沾沾簿書以刑名催

科爲職守此外雖值暇日亦以爲非其所急況志書無關考成其置之高閣又何足怪君乃於倥偬日不暇給之時而獨留心志乘則其於邑之中利當所興弊當所革者必能爲吾民請命以實心而行實政無疑也況又考核詳明鋪叙得體使天下之爲令者悉如君之虛公採擇兼具三長纂輯成書足以信今而傳後於以黼黻

皇朝太平之治不亦休哉余忝貳京兆職司文教而於君又屬同譜喜君能補舊志所未備發潛德之幽光而大有造於順邑稱文獻之足徵也於是乎書 時

康熙庚子八月中秋順天府丞海寧許惟模序

順義縣志序

順義之沿革前史稱名不常秦之上谷則爲郡漢之土垠則爲縣唐之歸順則或爲郡或爲州不過北方之邊壤而已至明永樂遷都北平始爲畿輔劇邑我

國朝定鼎燕京因明之舊而邑務視明尤劇者恭逢

皇上勤恤民隱欲周知畿甸利病每年

駕幸熱河駐蹕茲邑

翠華所蒞守土之臣駿奔走盡厥職夙夜罔敢少懈

行宮建置斯地干擷掃除必敬必恪又設立皇莊旗莊與四民雜處恩威寬猛調劑維艱凡此者皆前代及故明之所無官

順義縣志卷一

黃序

財政部印刷局印

斯邑者非具敏練之才勵清白之節遇事能斷至公無私未易當此任也蜀宗人孝廉子達於丙申冬來綰邑篆首尾四年百務具舉比戶相安效已章章已其尤難者則惟

至尊往還境上君以小臣而供大役支度應付井井有方卽此一端而君之才餘於邑蓋可知矣乃君猶不自暇逸官政旣庀取邑之舊志修葺增補之勒成五卷走一介致余而囑余爲之序余旣卒業輒慨然嘆曰府州縣之有志重事也要事也而守土者多視之漠然其故何哉蓋志之所載山川形勝風俗藝文其刪其存無關利病而唯是地畝錢糧之重輕里甲戶丁之增減關文稅課之因革一筆於書則不容上下其手

故官欲修之吏或阻之此惡害已而去籍孟子之所以悼也
官不能修而每遇上官檄修則多假手所治之縉紳士大夫
以修之于是胥吏遂多爲請托以求去其不便于己者而紀
載之失實者多矣今觀君之自爲修也毫釐銖兩絕無隱漏
其丁糧火耗之革除旣已詳之上憲又復載之志書其屬望
於後之嗣守斯土者前規而後隨之意雖古循良愷悌之君
子何以加茲其有功于順邑者固不徒在徵文考獻之間而
已也余旣喜隣邑之得賢父母而又幸吾宗之彥其文章政
績之皆可傳也於是乎書

康熙伍拾玖年歲在庚子清和月旣望

賜進士及第通奉大夫太常寺卿加一級前都察院左僉都御史
北平黃叔琳拜序

順義縣志序

龐士元非百里才謂其才餘於地而百里不足羈其驥足也然因此而簡棄一切以待夫倍蓰什伯於百里者而後加之意亦非循分稱職之常治邑如治家地雖小必審其重輕緩急而大爲之所化行俗美務臻厥成非可如蘧廬之一宿暫息而不計其常且久也綿竹黃子達初任得順義雖畿輔近地而幅幘不廣群謂不滿其才未足羈其驥足也乃履任未幾而善政日聞百廢具舉迹所施爲審輕重權緩急務以立教化易風俗爲先今觀所修邑志建置沿革之故山川物土之宜與夫忠孝節義科名文物之盛一披覽而禮教信義相

順義縣志卷一

冷序

財政部印刷局印

親和睦之意油然而生風俗安得而不易教化安得而不成夫子達豈百里才哉假令其簡棄一切以待夫什伯倍蓰於百里者而後加意則亦一宿之蘧廬胡爲計其久長務欲化民成俗若此哉已卯子達遊吾門早喜其讀書有本末今甫筮仕卽力行所學如此大行有望矣因書此數語於簡端

龍飛康熙伍拾玖年歲次庚子蒲月旣望

賜進士出身中憲大夫鴻臚寺卿年通家生冷宗昱序

原序

邑令韓淑文

邑之有誌所以傳信也一事之微一物之細而不博稽往牒折衷至當將前此數千百年已足啓人疑議矣尙顧今千百年後必一一指而共信也哉故誌也者如日星之麗於天河岳之着於地也日星之麗天而人不共信其高明河岳之着地而人不共信其流且峙者有是理乎然固知其必無也文承乏茲邑誌殘闕簡篇無徵古今盛衰之故政治得失之由其闡於大較也亦已多矣善乎易之言曰變則通通則久如是則非變不可以爲通且久也此不待再計而決者也我

世祖皇帝振興大業治典維新我

順義縣志卷一

原序

韓

財政部印刷局印

皇上繼盛攸隆治化於昭變往代之舊習建

本朝之嘉猷氣運相承委積鬱勃而

國家惇大之模煌煌適與時會取天下之風俗人心而還之惇樸取天下之因革損益而定爲章程俾各郡邑纂訂成書以勲盛典將前此數千百年立乎今日洞如觀火卽後此數千百年顧瞻今日亦燎若指掌東漸西被南暨朔訖孰不仰

皇上神聖文武之德以其變而可以通且久者付之剗劂垂之萬

世乎

文

一介豎儒何足當纂修之責但職爲邑吏豈終日戴天

而不辨日星終日履地而不識夫河與岳哉謬抒一得採輯考校仍舊誌之遺意而不敢臆爲之蓋欲以傳信也云爾昔人所

謂報國恩以文章固不敢曰吾幸矣卽欲敷其一二政事以母
貽曠官羞也其又何有焉

順義縣志卷一

原序

韓

二

財政部印刷局印

順義縣志序

成章 丙申終承乏順邑切念邑距

神京僅六十里當古北首衝爲

鑾輿往還所眷注官斯土而欲仰贊

聖世之休明舍志無以爲具亦舍志無以爲光但地處煩劇而謀

編次邑志時人鮮不以不急之務議之章西蜀下士任事三載

辦大差八次辦小差不啻千百苦無修志時苦無刊志力尤苦

無纂志才幸逢各

上憲至清至廉屏絕交際絲毫不擾且於地方一切事務加意體

恤輔其不逮章乃得於公事暇與同里張君文林搜往史訪故

順義縣志卷一

序

一

財政部印刷局印

老窮三月精神廣舊志所未備庶使古今忠貞節義理學文章

與夫山川風俗一覽無遺云

康熙五十八年歲次己亥桂月

順義縣知縣加三級西川綿竹己卯舉人黃成章

捐修志書姓名

儒學訓導解 琯

典史丘弘謨

拔貢趙之璋

監生羅文錦 閻名世 陳瑞昇 韓士麒 任繼武 陳明章

楊 澤 張錫德 趙 鈺 趙 錄

廩增附生員 趙 湜 王 誥 李果煥 趙 擢 張 愷

張 僭 張 槩 王孫可 王順德 楊成龍 馬居斐

魏 璋 張錫智 楊士麟 張 璽 韓宗信 杜繼召

楊士鳳 趙完璧 郭士侔 胡永祥 張可進 王廷對

順義縣志卷一

姓氏

財政部印刷局印

李 瑞 吳永讓 王元凱 任 文 傅朝選 徐應乾

徐秉義

天師府知事廳楊大任

莊頭孫保柱 周丫頭 許 印 趙之瑚 于大業 崔世旺

吳國英 許士麟 楊長庚 吳黃英 吳進禎 吳徽誥

于 銓 朱鳳翔 商達子 佟守印 王之英 羅士膚

閻國安 馮義龍 張國柱 陳 忠 許天謨 黃 德

黃 寅 王希文 羅士敏 捐刻志板

天文生譚仲義 牛成麟 許成紀

修志姓氏

總裁

總督

直隸等處地方軍務兼理糧餉兵部左侍郎兼都察院右副都御史世襲一等精奇尼哈番加十三級仍管理巡撫事務

趙弘燮

順天府

府尹

加三級

俞化鵬

順天府

府丞

加一級

許惟謨

鑒定

管理直隸錢穀守道參議加四級

李惟鈞

管理直隸刑名兼理驛傳事務巡道加四級

朱綱

整飭霸昌等處山西按察司副使加三級

趙弘揆

監修

順義縣志卷一

姓氏

財政部印刷局印

北路捕盜駐劄沙河兼保定府同知加一級 張克國

昌平州知州加一級 夏鉉

修纂

順義縣知縣加三級 黃成章

較訂

四川成都府綿竹縣貢生 張大酉

校讐

四川成都府綿竹縣儒學生員 黃竹